

Die 10. Predig lehret/wie man wñr
beweißts die einhelligkeit der Kirchenle
rer/die wunderzaichen bestättigens / der heil
ligen Vätter gebrauch vnderrichts. In sum
ma allenthalben seind zeugen vorhanden/
das kein andere Landtschafft/ Grentz / Sect
oder Confession sey / denen ihre Götter/die
Deut. 4. warhait des hochwürdigen Sacraments
des Altars/so nahent bey sich haben / als er
bey vns/seiner Catholischē kirchen ist. Dem
seye lob/ preys vñnd danckbarkeit / von nun
an/biß in ewigkait/Amen.

Die zehent pre
dig gibt vnderrichte / was für
ein mensch zu disem Gottstisch ge
hen soll/ auch wie man sich schicken vñnd
probirn/vñd warumb man dis Sa
crament würdiglich offtermals
entpfahen soll.

Das H. Euangelium/wie es vom Fronleich
nam Christi gesungen vñd gelesen wirt/
beschreibt Sant Joan. am 6. Cap.
laut also zu teutsch.